

PREDsjedateljici skupštine kantona sarajevo ANI BABIĆ

ZAMjeniku predsjedavajuće skupštine kantona sarajevo Sabahudinu Delaliću

ZAMjeniku predsjedavajuće skupštine kantona sarajevo Seji BUKVI

Zastupniku skupštine kantona sarajevo Nerminu Bjelaku

Šefu kabineta predsjedateljice i zamjenika predsjedateljice skupštine kantona sarajevo

AIDI ARAP

SEKRETARU SKUPŠTINE KANTONA SARAJEVO AMIRI KULOVAC ŠETKIĆ

Poštovana-i,

Prateći dešavanja na Web stranici Skupštine Kantona Sarajevo pročitala sam poslaničko pitanje gospodina Nermina Bjelaka i s obzirom da sam uposlenik Druge gimnazije Sarajevo ponovo sam čekala odgovor na isto.

S obzirom da sam ja osoba o kojoj se govori u pomenutom izjašnjenju u vezi gore pomenutog zastupničkog pitanja osjećam dužnost i potrebu da se oglasim povodom izjašnjenja direktorice Druge gimnazije Sarajevo Aide Arnautović od 23.12.2015 godine.

Nadam se da i Vi vidite da direktorica ne odgovara na postavljeno pitanje već nastavlja sa pritiscima i mobingom kojim sam izložena već više od četiri godine. Kompletno izjašnjenje svedeno je na dalje iznošenje neistinitih tvrdnji i dovođenje u zabluđu Vas kojima se obraćam kao i svih zastupnika u Skupštini Kantona Sarajevo. Imenovana uopšte ne odgovara na postavljeno pitanje nego zloupotrebljava svoj položaj kako bi i dalje vršila pritisak u nadi da će valjda jednog dana prestati da se borim za pravdu. Da je sve navedeno neistinito možete vidjeti u prilogu izjašnjenja a i iz presude Općinskog suda broj O Rs 292087 12 Rs od 18.10.2013 god. iz koje se jasno vidi koliko je škola platila sudskih troškova. Ova presuda je potvrđena i pravosnažnom presudom od 12.11 2014 godine, pod istim brojem, na Kantonalnom sudu a nešto kasnije i na Vrhovnom sudu. Ukoliko pročitate pomenute presude jasno je da je sve napisano u izjašnjenju netačno. Bilo bi bolje da je imenovana poslala troškovnik advokata nego da se služila neistinom i tvrdila kako, citiram, „nisu postojali troškovi vezani za ovu uposlenicu“, niti je nastala bilo kakva šteta po sredstva budžeta Kantona Sarajevo. Zaista čudno kada direktor javne ustanove smatra da plaćanje doprinosa za vrijeme trajanja otkaza nije štetno po budžet Kantona Sarajevo.

Vjerovatno bi jedna kontrola od nadležnih organa mogla tačno da utvrditi sve nepravilnosti i štetnosti nastale tokom mandata pomenute direktorice.

Sve neistine koje su iznesene od strane direktorice, a odnose se na mene personalno, mogu se demantovati Rješenjem od 17.12.2014.godine broj 799 kojim sam ocijenjena za svoj rad ocijenom NAROČITO SE ISTIČE.

Na kraju Vas obavještavam da sudski postupak još uvijek nije završen.

Cijeneći Vaše vrijeme ipak bih Vas zamolila da me kao građanina Kantona primite na razgovor.

Nermina Beširević,
Sarajevo 26. 01.2016. god.

Prilog Rješenje broj 799 od 17.12.2014.godine.